

Á Mesa do Parlamento

O Grupo Parlamentario Popular de Galicia, a través do seu Portavoz, e por iniciativa das deputadas e deputados **Paula Prado del Río, Alberto Pazos Couñago, Julia Rodríguez Barreira, Jacobo Moreira Ferro, Maribel Novo Fariña, José Manuel Rey Varela e Ana Belén García Vidal** abeiro do disposto no artigo 160 e concordantes do Regulamento da Cámara, presenta ante esa Mesa, a seguinte **Proposición non de Lei para o seu debate en pleno**.

Exposición de Motivos:

O Corpo Nacional de Policía é unha peza clave do noso Estado de Dereito, prestando un servizo público que proporciona seguridade, contribuíndo ao benestar e á calidade de vida das persoas. O seu papel resulta decisivo ao ter asignadas como principais funcións, entre outras moitas, o coidado do libre exercicio dos dereitos cidadáns, o mantemento da orde pública, a protección de bens e servizos, a persecución do delito, a colaboración coa Xustiza para o cumprimento da lei ou os labores de cooperación e coordinación con outras institucións e entidades públicas para garantir a protección civil en todo tipo de situacións onde se poida ver comprometida a seguridade da poboación.

Tendo en conta a súa transcendencia, resulta prioritario prestarlle unha atención especial para garantir a súa presenza, así como a súa maior inmediatez e eficacia no desenvolvemento das súas funcións.

Ese foi o motivo polo que, ao longo dos case dous séculos da súa historia, o Corpo Nacional de Policía foi adaptando a súa estrutura organizativa e territorial, para tratar de satisfacer as necesidades do conxunto de España. Deste xeito, a Comunidade galega conta hoxe, ademais da Xefatura Superior de Policía de Galicia e dunha unidade específica adscrita á Xunta de Galicia, cunha extensa rede de comisarías e





dependencias da Policía Nacional radicadas nas capitais de provincia, en grandes cidades e nalgunha cabeceira de comarca, atendendo ás necesidades do servizo e ás demandas da poboación. Segundo os datos da Dirección Xeral da Policía, dependente do Ministerio do Interior, o Corpo Nacional de Policía atende directamente en Galicia a unha poboación de 1,1 millóns de habitantes, radicados no contorno das áreas urbanas, o que representa arredor dun 43% da poboación galega.

Pero o despregue territorial de comisarías e dependencias policiais na actualidade non vai acompañado da dotación de efectivos que serían necesarios para unha correcta prestación dos servizos. As carencias de persoal afectan a todas as comisarías galegas e mesmo a unidade adscrita á Xunta de Galicia, que viron como as necesidades foron aumentando na última década polo incremento das súas funcións (delitos telemáticos, violencia de xénero e doméstica...), a redución das prazas convocadas e tamén pola falta de reposición de efectivos.

Segundo teñen advertido recentemente representantes sindicais, Galicia vén perdendo cada ano un centenar de policías e na actualidade conta con un déficit de 640 prazas (-20%). Algo semellante acontece en relación coa unidade adscrita á Xunta de Galicia que dispón de 399 axentes dos 500 contemplados, o que se traduce nunha redución do 20,2%. E ademais, a plantilla se verá mermada nos próximos meses en 9 prazas, como consecuencia de varios ascensos e xubilacións no próximo mes de xuño quedará reducida a 390 axentes, retrocedendo a UPA a niveis de efectivos do ano 2006 a pesar de ter hoxe máis competencias e funcións que hai 14 anos.

Á vista desta situación, que en maior ou menor medida afecta a todas as comisarías de Galicia e a propia unidade adscrita á Comunidade Autónoma con repercusión no desempeño das súas funcións e polo tanto cunha repercusión negativa para o conxunto da cidadanía.





GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 05/02/2020 16:30:00
Nº Rexistro: 63198
Data envío: 05/02/2020 14:16:49.893

Por todo o exposto, os deputados e deputadas do Grupo Parlamentario Popular presentan a seguinte proposición non de lei en pleno:

“O Parlamento de Galicia Insta á Xunta de Galicia a solicitar do Goberno de España:

- 1.- que por parte do Ministerio do Interior a través da Dirección General da Policía se articule un concurso de méritos na Policía Nacional que permita cubrir vacantes na Unidade de Policía Adscrita para incrementar a 500 os seus efectivos, de xeito que esta Unidade poida cumprir coas funcións que actualmente está prestando.
- 2.- que por parte do Ministerio do Interior nas próximas convocatorias de novas prazas e de concurso de méritos se contemple a adscrición dun número de prazas suficiente de axentes da Policía Nacional, non inferior a 256, para atender as graves carencias de persoal que sofre a Comunidade Autónoma de Galicia”.

Santiago de Compostela, 5 de febreiro de 2020.

Asinado dixitalmente por:

Pedro Puy Fraga na data 05/02/2020 14:10:14

Paula Prado Del Río na data 05/02/2020 14:10:40

Alberto Pazos Couñago na data 05/02/2020 14:11:01

María Julia Rodriguez Barreira na data 05/02/2020 14:11:17

Jacobo Moreira Ferro na data 05/02/2020 14:11:33

María Isabel Novo Fariña na data 05/02/2020 14:11:47

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

CSV: REXISTRO3ZYLRLZJsg0
Verificación:
<https://sede.parlamentodegalicia.gal/tramites/csv/>





GRUPO PARLAMENTARIO
POPULAR DE GALICIA



PARLAMENTO DE GALICIA
REXISTRO XERAL ENTRADA
Data asento: 05/02/2020 16:30:00
Nº Rexistro: 63198
Data envío: 05/02/2020 14:16:49.893

José Manuel Rey Varela na data 05/02/2020 14:12:13

Ana Belén García Vidal na data 05/02/2020 14:12:27

Pazo do Parlamento - Rúa do Hórreo, 63
15701 Santiago de Compostela
T. 981 551 510 F. 981 551 422
gp-pp@parlamentodegalicia.es
www.ppdegalicia.com

CSV: REXISTRO3ZYLRLZJsg0
Verificación:
<https://sede.parlamentodegalicia.gal/tramites/csv/>

